

# შინაური საქმეები.

საქართველოს მთავრობის ბრძანებით.

№ 18.

შინაური საქმეები

წლიური ფასი 5 მან.

წლის დაბოლოებამდე

1 მ. 70 კ.

წელიწადი მეშვიდე.

კვირა, 1 ნოემბერი, 1915 წ.

როგორც აპარაჟი ისე მთელ საქართველოში დიდად საჭირო არიან მისსიონერები.\*)

ბ. რ. ინგილოს მკვირცხლი, ახალგაზრდობრივი გულსმოდგინებით და გატაცებით აღესილი, შინაარსიანი, მკვეთრი ენით დაწერილი ბარათი საინგილოში სარწმუნოებრივი საკითხის შესახებ ძვირფასი რამეა, რომ შიგა და შიგ არ აუშნოვბდეს მას რაბდენიმე სრულობით შეუწუნარებელი, შემცდარი და სიმართლეს მოკლებული აზრი. თქმა არ უნდა, საინგილოში სარწმუნოებრივი საკითხის წარმოება მუდამ ნორმალური და უარყოფითი მხარეებს მოკლებული არ იქნებოდა, უსათუოდ, მისსიონერთა შორის ერიენენ მიმართულებით არა სიმისიონერო პირები, შესაძლოა, რომ საინგილოს ზოგიერთა მისსიონერებს „თვალი უფრო ბოჭაულებსკენ ექირათ,“ შესაძლოა, რ. ინგილო სულაც მე მგულისხმობდეს უფარვის მისსიონერად, რადგანაც საინგილოში სამსახურის დროს, დღევანდლამდე ჩემდა გაუგებარ გარემოებათა გამო, ბედმა მარგუნა პასუხის მგებლის სკამზე ჯდომა იმ მიმართულების მოწმეთა წინაშე, დღეს რომ აქარღების წინააღმდეგ გააოდიან. დიად, ეს ყველაფერი შესაძლოა, მაგრამ აქ ხომ უმეგალითა და მაინც და მაინც გასაოცარი არა არის რა! უსთებისა უცნობი, რომ ქართველი ერი დამკვირვებელია თანვის ბუნებრივ ფუძეს, რომ ქართველი ერი დღეს აღარ სდგას საკუთარ

ნიადაგზე და ამის გამო ყველა მხარე მისი განვითარება — მოქმედებისა დიდა ხანია სწორ. მოგებს არა ნორმალად და არა ბუნებრივად? რა ნორმალობას წარმოადგენს, მაგალითად, ჩვენი მოზარდი თაობის განათლების საქმე? რა არის მოსაწონი და ბუნებრივი იმ შრომაში, რომელსაც ჩვენი ახალგაზრდობა ალევს ჯანსა და სინათლეს უბრალო სოფლის სასწავლებელში ყოფნის დროს? რა ნორმალობისა და ბუნებრიობის გამომატველია შართლ-შსაჯულეების წარმოება ჩვენში? რა აქვს შესაწუნარებელ საბუთად იმ მოვლენას, რომ მოსწავლე ინგილოს შეუძლია იშოვოს მთავრობის სტიპენდია მხოლოდ იმ პირობით, რომ სასწავლებელი აირჩიოს უსათუოდ სადმე გარეშე თავისი სამშობლოს საზღვრებისა? როცა მთელი ერის სიციცხლის მიმდინარეობა არა ნორმალაია, ცხადია, ვერც სარწმუნოებრივი საკითხის წარმოება იქნებოდა მთლად ნორმალური და ბუნებრივი; მისსიონერებსაც, როგორც ჩვენი დროის სასწავლებლებში გავლილ თვითეულ ქართველს, უსათუოდ ახასიათებდა სამშობლოს წარსულისა, მშობლიო ერის ზნე-ჩვეულებათა და ფსიხიკის ცოდნა-შეგნების სისუსტე და ამის გამოისობით მათი მოქმედება არ იქნებოდა წუნდაუდებელი. ამის თქმა და საჯაროდ აღიარება არც დამამკვირვებელია ვისიმე და არც სათაკილო: სათაკითა და სამარტყვინო მხოლოდ ის გარემოება, რომ შესაძლო ყოფილა ჩვენში რუსი მისსიონერის დანიშვნა, მაგრამ ასეთი ულეთო აქტის ჩადენაც შედეგია ჩვენი საერთო ცხოვრების არა

\*) იხ. „შინაური საქმეები“ № 17.





ნორმალობისა, იმისი, რომ ჩვენი ეკლესია დღეს ვუმზათ ჩამონგრეულია, მას აღარა ჰყავს გულმტკივნეული მამა და პატრონი, ჩვენი ეკლესიის გვამს, ქართველ ერს, აღარ ახლავს სარწმუნოებრივი სიმკვრივე და დაუძინებელი დარაჯობა, რომ ვერავის შეეძლოს დაუსჯელად ჩვენს წმიდათა წმიდათაში უწმიდური ფეხის შედგმა. ასეთ სამწუხარო მოვლენაში მისსიონერობას არავიჯარი წილი არ უდევს, პირიქით, იგი, როგორც პრინციპი, შეურთებელი მღვწენელია ამ გვარი ავაზაკობისა ეკლესიის ცხოვრებაში.

შეუწყნარებელი და სავსებით უარსაყოფია რ. ინგილოს მსჯელობა, ვითომც მისსიონერობის დაარსებას საინგილოში სათანადო ნაყოფის მოტანის მაგიერად საქმე წახედინოს და გაეუარესებინოს, ვითომც მისსიონერობის გამოისობით „საინგილოში ყველაფერი მიმართული იყო და არის დღესაც იმისკენ, რომ შუღლი დასთესონ ქრისტიანთა და მაჰმადიანთა შორის“. ასეთი დებულების უსაბუთობას და უნიადაგობას პირველ ყოვლისა ამტკიცებს თვით ბ. რ. ინგილოს პიროვნება. რ. ინგილო რომ კაცელი, ე. ი. საინგილოს იმ ნაწილის შვილი არ იყოს, რომელშიაც ინგილონი ცხოვრობენ და მოქმედობენ მისსიონერთაგან შექმნილ ატმოსფეროში, რომ იგი დაბადებულიყო ალიაბათის სანაიბოში, სადაც მისსიონერობას არა გაურიგებიარა ზხაობს წინამძღვრობენ მოღვბი და ფეხნდები, ყოვლისავე ექვს გარეშე იგი უვიცი, თანატიკოსობით მოცული უბრალო ინგილო იქნებოდა და არა ცოდნითა და განვითარებული პატრიოტული გრძობით შემკული ქართველი. თუ ეს სინამდვილე არაა, მთელ სამაჰმადიანო საინგილოში ერთი მაგალითი მაინც გვიჩვენოს რ. ინგილომ ნასწავლი და საქართველოს მოყვარული ინგილოსი. რატომაა, რომ არა სამუსულმანო საინგილო, არამედ მართო მისი სამისსიონერო რაიონი იძლევა ჯანაშვილებს, აბელაშვილებს, ხუციშვილებს, დარეჯანიშვილებს, ტარტარაშვილებს და სხვებს? არა, თუ რ. ინგილო წამდვილად ინგილოა, სულით ხორცამდე ზეცას უნდა უმაღლოდღეს საინგილოში მისსიონერობის არსე-

ბობას და საკუთარი პიროვნების მაგალითით უნდა უკარნახებდეს მას ამ დაწესებულებების ფრიად ღირებულობას ინგილოთა თვით შეგნებისათვის.

საინგილოში რომ მისსიონერობას სათანადო ნაყოფი არ მოეტანოს, ეს არც ერთ გავებულ ინგილოს არ გამოუთქვამს ბეჭვდითი საშუალებით. პირიქით, განათლებული ინგილოების სიმპატია ყოველთვის მისსიონერობისაკენ ყოფილა მიმართული. ინგილო იყო განსვენებული დიმიტრი ჯანაშვილი და იგი არამც თუ თანაუგრძობდა მისსიონერობას, თვითონაც პირადათ სულით და გულით მისსიონერობდა თავის სამშობლოში; ინგილოა ბ. მოსე ჯანაშვილი და თავის მრავალრიცხოვან ნაწერებში, სადაც კი შემთხვევა ეძლევა, ღრმა მოწიწებით იხსენებს მისსიონერობას. დარწმუნებული ვარ, გარემოებას რომ ხელი შეეწყო მისთვის, უსათუოდ მისსიონერობას ამჯობინებდა თავის მოძმეთა შორის თბილისში მასწავლებლობას. ჩვენში რომ შეგნება იყოს და საქმის დიაღობის გათვალისწინება, ჩვენ რომ ინგლისელები და ამერიკელები ვიყოთ, არც დღეს მოგაცდენდით ხსენებულ პირს მშრალი ლუკმა პურის ფასის საშოვნელად აქეთ-იქით სირბილზე, უზრუნველგყოფილთ მას საქმაო სასყიდლის დანიშვნით და სიბერის დროს მაინც გავგზავნიდით მას სამოციქულოდ მის მოძმეთა შორის. ინგილოა პართლომე ხუციშვილი და აი როგორ მსჯელობს იგი ერთს თავის წერილში: „დიდხანს ინგილოები თათრების გავლენის ქვეშ იყვნენ, იმათგან მიიღეს სხვა და სხვა ჩვეულება-აღათი. ინგილო თათარსავით თავის ქალს ჰყიდიდა, სასიძოს ართმევდა 200-400 მან. მაგრამ გაქრისტიანების შემდეგ, როცა საინგილოში გაიხსნა ეკლესიება, დაარსეს სკოლა, საზოგადოებას ცოტადნად მაინც აუხილა თვალება, ბეკრმა ზიზღით შეხედა თათრებისგან შეთვისებულ ჩვეულებას (ხაზი ჩვენია). ეხლა მომეტებული ნაწილი ინგილოებისა არამც თუ არა ჰყიდიან თავიანთ შვილებს, არამედ გათხოვებაში მზითვენსაც კი აყოლებენ. წელს, როცა კახის ახალგაზდობა აპირებდა ობოლ ილარ. პაპიაშვილისთვის წარმოადგენის გამართვას, ყვე-



ლა სიაშოვნებით შეეგება იმ რწმენით და იმედით, რომ, რაც საინგილოს მეტი ეყოლება განათლებული, იმდენად უფრო მალე გამოთხოვნილდება და წარმატების გზას დაადგება იგი. ჩვენი ხსნა როგორც ყველა ერისათვის, მხოლოდ განათლებაში იხატება... (საქართველო, 18 სექტემბერი 1915 წელ. № 95). ეს მოწმობა თავიდან ბოლომდე მისიონერთა მოქმედების დროისაა საინგილოში და იგი იმდენად ცხადი და ნათელია თავისი შინაარსით, რომ აღარავითარ ალღას არ უტოვებს ახსნა განმარტებას.

ქართული საზოგადოებისთვისაც და საინგილოს ყოფილი მისიონერებისთვისაც მეტად ძვირფასია ცოდნა, რა აზრისანი არიან მისიონერთაზე ამ ხელად საინგილოს სოფელში მოქმედი პირები, რომლებშიაც არა მცირედნი ურევებიან მისიონერთა მოწაფეთაგანნი. საინტერესოა, მაგალითად, ვიცოდეთ, რა შთაბეჭდილება დასტოვებს მისიონერმა და მისმა ხელქვეითმა მასწავლებლებმა ნ. ყულოშვილმა და აპ. ივანიცკიმ ყორალისა და ალიბეგოს სკოლების მოწაფეებში. სამწუხაროდ, ნ. ყულოშვილი, ეს პედაგოგად დაბადებული, ხნობრივი უმწიკვლობისა და დაულალავი შრომის განსახიერება, უდროვოდ გამოაყოლო ინგილოთა პატიოსანი მუშაკების ისედაც პატარა გუნდს ულმოებელმა სიყვდილმა და ამისგანმო შეუძლებელია მისგან საქმის ნამდვილი ვითარების ცოდნა. სამაგიეროდ ცოცხალა და კეთილად მოღვაწეობს განსვენებული ყულოშვილის ღირსეული აზრები ლეღელი აპ. ივანიცკი. იმედია, ჩვეულეზრავი სიმართლით და მიუდგომელობით გააქნობს საზოგადოებას როგორც იყო დაყენებული მის დროს ალიბეგლოელი ინგილოების შეილებს აღზრდის საქმე მისიონერებისგან და მოტყუა რამე ამას სასიკეთო ალიბეგლოელთა ცხოვრებაში თუ არა?

ფიქრობთ, არც კახის საქალებო მასწავლებლის პირველი კურსის ყოფილი მოსწავლეები და იმდროინდელი მათი სასიკეთო მოსწავლეები ქალი მარია მახარაძე, დღეს ქნინა სიღამონერისთავისა, დაიზარებენ გაუზიარონ მკითხველ ქართველობას, მისცა რამე სასიკეთო მისიონერმა საინგილოს ქალების მოზარდთაობის ხსენებული სკოლის გახსნით, თუ უარესად გააუკუღმართა ქალთა მდგომარეობა საინგილოში.

ამ პირების მტკიცე სიტყვა საუკეთესო პასუხი იქნება ზ. რ. ინგილოს წერილზე, რომელიც ჩრდილ ქვეშ აყენებს და მეტად თაღისი ფერადებით ახასიათებს საინგილოში მისიონერობას და მისიონერთა მოქმედებას საერთოდ.

პეტრე კონჩუაშვილი, დიმიტრი ჯანაშვილი, არხიზანდრიტი ამბროსი კავკასიძე, ყოფილად სამღვდელი კირიონი, ყოფილად სამღვდელი დავითი ფეტიხი მამინაიშვილი — ყველანი მისიონერები, იყვნენ; ამ გვარი მისიონერებით ჩვენ თავი უნდა მოგვეკონდეს, რ. ინგილოც და სხვებიც დღე და დამ იმას უნდა ფიქრობდენ, რომ ამგვარი მისიონერები არ მოაკლდენ ჩვენი ქვეყნის მივარდნილ კუთხეებს, ასეთი პირების ხმა არ ჩადგვს და არ შესწყდეს არასოდეს საინგილოში, თუშ-ფშეგხეესურეთში, გუდამაყარ-ხევეთიულეთში, შესხეთ-ჯავახეთში, სვანეთში და აჭარა-ქაბულეთში, რადგანაც, თუ რამე სასიკეთო გარიგებულა ყველა ამ კუთხეებში, გარიგებულა მხოლოდ და მხოლოდ მისიონერების საშუალებით, რადგანაც ამ კუთხეებში ჯერ არც ერთ ქართულ ეროვნულ დაწესებულებას, არც ერთი ქართული ბეჭედიანი ორგანოს მაწარმოებელთაგანს ფეხი არ დაუდგამს და წყირი არ გადაუბრუნებია იქ მცხოვრებთა სასიკეთოდ და არც იმედი გვაქვს, რომ ახლო მომავალში მაინც დაიწყონ მათ ნაჩვენებ რაიონებში მოქმედება.

(შემდეგი იქნება) *ა. ი. ა.*  
ეპისკ. დუქასაძე.

**ღირსია ქართველი სამღვდელი მამა  
განაიციხვა-განაიციხვისა, თუ არა?**

ეს ერთი ხანია, სხვადასხვა დროს, სხვადასხვა მიმართულების ეურნალ გაზეთებში ხშირად შეხვედებით. სხვადასხვა ჯუროის მწერალთაგან გამოთქმულს აზრს, რომ ვითომც ქართველი სამღვდელი მამა საღათას ძილს მისცემია, არაფერ კულტურულ და განმანათლებელ დაწესებულებას, არა თუ ემხრობა, არამედ კიდევ ხელს უშლის, მუდამ



„კუქი“ და თვისი „მე“ აქვს წინ წამოყენებული ცხოვრებაში და სხვა და სხვა...

ქართველ სამღვდელოებს სხვადასხვა პირნი ნატაციებს უკითხვენ და მოწოდებას მოწოდებაზე ბეჭედენ გაზეთებში, ვითომც საღათს ძილიდან მის გამოსალიძებლად. კარგი და პატიოსანი, მაგრამ მართლა ღირსი სამღვდელოება გაკიცხვისა და უმოქმედობისათვის? მოვიყვანოთ ფაქტები, გავიგოთ, თუ რა გააკეთა ქართველმა სამღვდელოებამ წარსული საუკუნის მეორე ნახევარში და მეოცე საუკუნის დასაწყისში დღემდე და მერე დავდვათ მსჯავრი; დავიწყეთ 1860 წლიდან.

1860-1870 წლებში უმაღლესათ მოენიქა უფლება სამღვდელოებს, როგორც რუსეთში, ისე საქართველოში, რათა წელიწადში ერთხელ, და თუ საჭირო იქნებოდა, ორჯელაც მოეხდინა სამღვდელოების არჩეულ პირთა—დეპუტატთა კრება, რომელთაც უნდა ეზრუნა არსებულ სასულიერო სასწავლებელთა კეთილწარმატებისთვის და სადაც არ იყო გახსნილი უნდა ახალი გაეხსნათ.

საქართველოს საეგზარხოზოში 1860-1870 წლებში ხუთი ეპირხია იყო: ქართლ-კახეთი, იმერეთი, გურია, სამეგრელო და აფხაზეთი. მე მსურს მხოლოდ იმერეთის ეპარხიის და მის სამღვდელოების მოღვაწეობას შევხეო ამ ჩემ წერილში და მოვიყვანო ფაქტები, თუ რას აკეთებდა იმერეთის სამღვდელოება ნეტარსწენებული გაბრიელ ეპისკოპოსის ხელში და შემდეგ; მართლა „კუქს“ იძლებდა, თვისი, „მე“ ქონდა წამოყენებული ცხოვრებაში, თუ დიდ საქმეს აკეთებდა და აკეთებს დღესაც, რომელსაც მხოლოდ ბრმანი ვერ ხედავენ და ყურნი ვერ ისმენენ.

1884 წელში სამრევლო შკოლათა მზრუნველობა ხომ მთლათ სამღვდელოებს დაევალა. მიიღო თუ არა ყ-დ სამღვდელო გაბრიელ ეპისკოპოსმა უკაზი სამღვდელოების არჩეულ დეპუტატთა კრების მოწვევაზე, მაშინვე განკარგულება მოახდინა, რათა ქალაქ ქუთაისში გამოეგზავნა სამღვდელოებს თვისი რწმუნებულნი დეპუტატნი, პატიოსნებით და სწავლით აღკურვილნი პირნი. მოხდა

პირველი კრება (წელიწადი ა. მახსოვს, დაახლოებით კი 1865-7 წლებში უნდა ყოფილიყო) ქუთაისის სასულიერო სასწავლებლის შენობაში, რომელიც იმ დროს პირველ შენობად იყო აღიარებული ქ. ქუთაისში და, რომლის აშენებაში არა მცირედი წვლილი უდევს იმერეთის სამღვდელოებს. შემობრძანდა ყ-დ. სამღვდელო გაბრიელი კრებაზე, აუხსნა სამღვდელოების დეპუტატთ მათი უფლება და მოვალეობა, და პირდაპირ მიუთითა. მათ ეზრუნათ არა თუ არსებულ სასწავლებლის წარმატებისათვის, არამედ უნდა გაეხსნათ თვისი ხარჯით სემენარია, და სადაც კი მოხერხდებოდა სამრევლო შკოლებიც. იმერეთის სამღვდელოებამ მისი ღირსეული მწყემსმთავრის სიტყვები გულის ფიცარზე დაიწერა; სიტყვა საქმედ აქცია: ქუთაისის სასულიერო სასწავლებელი ნივთიერათ უზრუნველყო, თანდათანობით სასწავლებლის კეთილ წარმატებისათვის გადასახადი დაიდვა, თვითვეული კრებული ვალდებულად ვახადა 20-40 მანეთამდე ყოველ წლით ეხადა ქუთაისის სასულიერო სასწავლებლისათვის, რომელმაც წლიურათ 15000 მანეთზე მეტი შეადგინა (იქონიე, მკითხველო, სახეში, რომ იმ დროს ხაზინის ჯამაგირი სამღვდელოებს არ ეძლეოდა). ქუთაისის სასულიერო სასწავლებელი პირველ სასწავლებლად ითვლებოდა გაბრიელის დროს, როგორც მოწაფეთა რიცხვით, ისე სწავლის მხრით. ამ გადასახადს დღესაც იხდის სამღვდელოება, მაგრამ ცოტა შემცირებით, რადგან პარალელური განყოფილებები ეხლა არ არი.

1870 წლიდან იმავე გაბრიელ ეპისკოპოსის თაოსნობით იმერეთ-გურია-სამეგრელო აფხაზეთის სამღვდელოებამ დაიწყო ზრუნვა ქუთაისში სემენარიის გახსნისათვის, შეკრიბა 60000 მანეთი ფული. მაგრამ განსვენებული პავლე ეგზარხოზის დროს რაღაც მანქანებით ჯერ უარი სთქვა უმაღლესმა მართებლობამ, მერე დიდხნის შემდეგ სინოდმა თვითონ გახსნა, მაგრამ ისევ მალე დახურა რაღაც ახირებული მოსაზრებით. დღეს კი ეგზარხოზის პიტრიპის წყალობით გაბრიელის



ლაწკებული სემენარია ისევ მკვდრებით აღდგომას აპირებს.

1884 წლიდან იმერეთის ეპარხიაში 200 მკტი სამრევლო შკოლა გაიხსნა ისევ სამღვდელოების მეცადინეობით, რომელსაც შედეგების დაგვირგავე ეხმარებოდა და დღესაც ეხმარება სამღვდელოება.

1880 წლიდან იმავე გაბრიელ ეპისკოპოსის თაოსნობით იმერეთის სამღვდელოებამ დაიწყო ზრუნვა საქალებო სასწავლებლის გახსნის შესახებ მოიპოვა დიდი და კრცელი ადგილი შენობით და 1892 წ. კივეც დაარსა თვისი საკუთარი ხარჯით, რომლის სასარგებლოთ თვითეული კრებული წელიწადში 10 მ. იხდიდა და იხდის დღეს გარეშე ერთეამიერი ხარჯებისა. ავილოთ კერძოთ საბლალოჩინო ოლქები. საჩხერის და სვერის საბლალოჩინო სამღვდელოებამ 1890 წელში მათი კეთილმოწყვეთა თაოსნობით, როდესაც ეს კუთხე სრულიად უშკოლოდ იყო მიტოვებული, იყიდა დაბა საჩხერეში ქრება მოზრდილი ადგილი, ააგო ზედ დიდი მათკირის შენობა, რომელიც დაჯდა არა მარტო 10000 მანეთისა და გახსნა ორკლასიანი სამრევლო სასწავლებელი. მიბრძანდით ეხლა სხვა საბლალოჩინოებში და თქვენ დარწმუნდებით, რომ დიდი ღვაწლი მიუძღვის სამღვდელოებას სწავლა განათლების წინაშე იმერეთის ეპარხიაში. საჭირო არ არის ყველა ჩამოვთვალოთ. მარტო ერთმა მღვდელმა, დეკანოზმა, რ. დეკანოზიძემ ხარაგაულში ააგო ეკლესია სავაჭო და საქალებო შკოლით თვისი საკუთარი ხარჯით, რომელიც არა ნაკლებ 30000 მ. დაჯდა. სწავლა—განათლებისთვის 30000 მ. შეწირვა უმოქმედობაა?!

ავილოთ კერძო ქველმოქმედება: 1875-1876 წლებში ატყდა რუს ოსმალის ომი, 1894 წელში იაპონიის. მიბრძანდით სავაჭოთა კონცელოარიაში და შეიტყობთ, რომ იმერეთის სამღვდელოება ცოტას არ სწირავდა თვისი ღარიბი ჯიბიდან ომის საჭიროებისათვის. მე ხელთ არა მაქვს ანგარიში, მაგრამ დასამდვილებით შემოძლია ვსთქვა, რომ-

ერთი და ორი ასეული მანეთი არ გაუგზვნია სამღვდელოებას ომის საჭიროებისთვის. მარტო სვერის საბლალოჩინოდან 200 მანეთი მეტი წავიდა და იმერეთის ეპარხიაში ხომ 26 საბლალოჩინოა!.

დღევანდელ უმაგალითო ომის დროს რას აკეთებს სამღვდელოება? თვითეული კრებული, გარეშე იმისა, რომ ხალხში კრეფს შეწირულებას და ავზავის სადაც ჯერ არს (იხილეთ 1914—1915 წლების თვითეული-ნომერი „საეგზარხოხო უწყებისა“), თვისი საკუთარი ჯიბიდან ომის საჭიროებისთვის იხდის წელიწადში 50-100 მ. (გაზეთ „სამშობლო“ში მოყვანილი ბლალოჩინი ჯაფარიძის ანგარიში არ არის სწორი), ხოლო უმწეოთ დარჩენილთა ოჯახებს სიტყვით და საქმით ეწევა. რომ კრება მომხდარიყო სამღვდელოების დეპუტატების, მე დარწმუნებული ვარ, უფრო კარგათ წავიდოდა საქმე და უფრო რიგიანად მოეწყობოდა ომის საჭიროებისათვის ზრუნვა. დარჩა ერთი აქარლების შემწეობა. სამღვდელოება მათ შეწვენაზე უარს იტყვის? დღესაც ხშირია, რომ სამღვდელოებაც იღებს მათს შემწეობაში მონაწილეობას და, რომ კრება მოხდებოდეს, უფრო ჯეროვანათ გამოიღებს სამღვდელოება თავის წვლილს, მაგრამ სამწუხაროთ სამღვდელოებისა, არა თუ სავაჭოთა კრება ორი წელიწადია არ ყოფილა, საბლალოჩინოც იშვიათია და რატომ, ღმერთმა უწყის (სამღვდელოების დეპუტატთა კრების მოუწვევლობის შესახებ ყრუ საყვედური ტრიალებს სამღვდელოებაში).

შეიტყვეთ ეხლა სხვა ეპარხიებში, რამდენი ღვაწლი მიუძღვის და ხარჯავს სამღვდელოება. როგორც ზემო მოყვანილი ფაქტებიდან დარწმუნდება მკმთხველი, ცოტა არ გაუღია სამღვდელოებას სწავლა—განათლებისა, და ქველ მოქმედებისათვის, მაგრამ მაინც ეს ერთი ხანია საწყალი ქართველი სამღვდელოება იქიჭება იმისთანა პირთაგან, რომლებიც სიტყვით ბევრს გვიპირდებიან, მაგრამ საქმით ცოტასაც არ აკეთებენ.



გვეტყვიან: სასწავლებლებში თქვენ შეი-  
 ლებს ზრდილით, თუ იხარჯებოდითო. მარ-  
 თალია, ჩვენ შეილებს ვზრდილით და ვზრდილით,  
 მაგრამ კოტა არ არის ერის კაცის შეილები,  
 რომლებსაც სასულიერო სასწავლებლებში,  
 სემინარიაში, საქალბო სასწავლებელში მიუ-  
 ლიათ სწავლა და მოღვაწეობენ საქვეყნო  
 სარბიელზე. ისიც დიდი საქმეა, რომ შენი  
 შეილები აღზარდო რიგიანათ კაცმა, და ამა-  
 ში ხომ ჩვენ სამღვდლოებას არც ერთი  
 წოდება არ შეედრება. ხშირია მღვდელი,  
 რომელიც დიდ სიღარიბეს განიცდის, მაგ-  
 რამ შეილები, ერთი რომ უნივერსიტეტში  
 ყავს, მეორე მესამე და სხვა სხვადასხვა სას-  
 წავლებლებში. აბა რომელი წოდებიდამ არის  
 იმდენი საზოგადო მოღვაწე შედარებით,  
 რამდენიც სასულიერო წოდებიდამ?

სამღვდლოება ქველმოქმედებაში სწო-  
 რეთ იესო ქრისტეს მცნებას მისდევს: „მარ-  
 ჯვენამ რომ მისცეს, მარცხენამ არ იცოდეს-  
 სო“. მაგრამ ძალაუნებურად უნდა ჩაუდვა  
 ზოგიერთ მყვირალებს პირში ბურთი და სა-  
 ქვეყნოთ აღიარო შენი ღვაწლი.

ყველა ზემო მოყვანილი ფაქტები აშ-  
 კარად ამტკიცებს, რომ სამღვდლოება კა-  
 პეიკობით და თითო მანეთობით კი არ ეწე-  
 ვა სწავლა—განათლების აღორძინებას და  
 სხვადასხვა კეთილ საქმეს, არამედ 10,000  
 და 20,000 მანეთობით ყოველ წლობით.

დეკანოზი ი. წერეთელი.

## ქართული ტიპიკონი

ქართველი კათოლიკების საყურათღებოდ.

საზოგადოთ, საყურათღებოთ, თუ ძვე-  
 ლათ როგორ ვრცელდებოდა აღმოსავლეთის  
 სხვადასხვა ერებში ქრისტიანებრივი სარწმუ-  
 ნობა. ეს ლეთიური რჯული, რომელიც მარადის  
 ასპეტაკებდა სხვადასხვა წესებს და ჩვეულებ-  
 გებს მათის გამტკიცებით იმ ერებში სადაც  
 იგიინი გამეფებულნი იყვნენ, ფართო ნამ-

ღვილ თავის-უფლებას ანიჭებს, როგორც  
 კერძო პირს, ისრეთ საზოგადოებებს, ეს ერ-  
 თი საშვალებათაგანი იყო ქრისტიანობის გავ-  
 რცელებისა. ამისთვის, განსაკუთრებით აღმო-  
 სავლეთში სხვადასხვა დიდებულ ერების ნაშ-  
 ტთა ზნე-ჩვეულებებს და ენას დიდის ფარ-  
 თო შეხედულებით უჭურებდნენ მაშინდელი  
 სარწმუნოების მქადაგნი და დღესაც რომის  
 ეკლესია არ ასცილდება ამნაირ სამართლიან  
 მოქმედებას. მრავალ გზის, ჩვენ ვიცით, პა-  
 პებმა დაუშალეს ეკლესიური წესების შეც-  
 ვლა და აღმოსავლეთური ტიპიკონი უმწი-  
 კლოთ დაიცვეს, როგორც აღმოსავლეთში,  
 რაფენადაც შეიძლებოდა, უფრო მტკიცეთ  
 დასავლეთში, მაგ. იტალიაში. აქ, დაბეჯითე-  
 ბით ვიცი, თვით ვისაც სურსთ ლათინურ-  
 ზედ გადავიდნენ, რომისგან ნებას ვერ პოუ-  
 ლობენ.

რა ყველა ამას ღრმად ჩაუკვირდებით,  
 მაშინ სხვა თვალ საზრით შევხედავთ ქრის-  
 ტიანობის დამყარებას ჩვენს გეარში. უტყუ-  
 არი ფაქტია ანდრიას ქადაგება ჩვენს საზ-  
 ღვრებში, იმავე გარემოებით როგორც სლავ-  
 ვიანებში და ბერძნებში. წმიდა ნინოშ, მო-  
 ციქულთა სწორმა დაავიჯრგვინა იმის შრო-  
 მა და ენერლიით სავსე ქართველმა ერმა  
 საკვირველათ განამტკიცა იგი თავის მიჯნებში  
 მებუთე საუკუნის დასაწყისიდანვე.

თუმცეკი ცნობილი არ არის სასოფლო  
 საეკლესიო ისტორიაში, მაინც ჩვენ ვიცით  
 რომ ერთად ერთი საუცხოვო მაგალითია  
 ქართველების გაქრისტიანება და ასრედ სწრა-  
 ფათ. ამ ახალ რჯულის ღრმად გამტკიცება  
 საქართველოში იმის მაჩვენებელია რომ და-  
 საწყისიდანვე ქართველ ხალხს ჰყავდა ნამღვი-  
 ლნი მქადაგნი, რომელნიც შეადგენდნენ  
 სრულს მტკიცე კანონიერ დაწესებულებას.  
 იერარხია ამისთანა დარგში არის მიზეზი  
 sine qua non და ჩვენშიაც იყო იერარხია  
 ნაციონალური თავის ბუნებრივ და სწორ  
 მნიშვნელობით. ამ ჩვენ დებულების წინაა-  
 ლმდგი აზრი, კარგა ხანია, ევროპაში აქა-  
 იქ გავრცელებულია. ზოგიერთთა აზრით,  
 რომელთ სომხურ წყაროებიდან ესარგებ-  
 ლათ, ვითომც ჩვენ სომხის სამღვდლოე-  
 ბამ აღგვიდგინა არა მარტო ანბანი და ლი-  
 ტურლია, არამედ თვით იერარხიაც. ამის  
 დაშამტკიცებელი საბუთები არსად სჩანს და



ჩვენ კი ერთობ წინააღმდეგი ფაქტი გვწამს, რომელზედაც მიზანტიის ისტორია სავსებით ემორწმება ჩვენსას, რომ წ. ნინოს თხოვნაზედ, დიდმა კონსტანტინემ გამოგზავნა (ანტიოქიის პატრიარხის თანხმობით) სამღვდლოების სრული დაწესებულება.

პირველ ეპისკოპოსს იოანეს მოჰყვა იაკობი, რომელმანც ფრიად განამრავლა ეპისკოპოზები (Tamarati E. g. ch. VIII p., 197 წგ.) ამ დროს ივერიის ეკლესია, რა საკვირველია, დამოკიდებული იყო უმაღლეს საკითხებში კონსტანტინეპოლის ეკლესიაზედ და, რადგანაც სათავეში ესაც ანტიოხიას ემორჩილებოდა, ჩვენიც საბოლოოდ ანტიოხიას სცნობდა, განსაკუთრებით როდესაც კონსტანტინეპოლში პატრიარხი დაჯდა. (იხილეთ Tam. Hi. de Isg. შწ p. 200). ყველა აქედან სჩანს თუ ივერიის ეკლესიას რომელი წესი უნდა ჰქონოდა მიღებული. თუ მთელი ამ წესდებების და იერარხის დამამტკიცებელ ყველა საბუთებმა ჩვენამდის არ მოახწიეს. ეს იმას უნდა მივაწეროთ რომ ჩვენმა ქვეყანამ ათას გვარი უბედურება განიცადა. ჩვენ ისაც გვეყოფა რომ ივერიის ეკლესიას ჰყავდა თავის დაარსებიდანვე განვითარებულნი პირნი, რომელნიც მისი კეთილდღეობისათვის ზრუნავდენ და რომ მათ იზრუნეს და დასაწყისიდანვე ივერიის ეკლესიაში შეიტანეს არა მარტო ბერძნული წესი, არამედ თვით ეროვნული ადგილობრივიცა, ეს უტყუარი რწმენაა, რომლის წინააღმდეგი დამამტკიცებელი „ფაქტი“ არ არსებობს. მაინც და ჩვენ როგორ არ გვეყოლებოდა იერარხია როდესაც ჩვენ ქართველი სამღვდლოება სხვაგანაც გვყავდა. ზოგიერთმა მათთაგანს კარგათ ვიცნობთ: ჰმეტრე ივერიელი (Pierre Iberiae) ევაგრი (Evagre) და ბაკურიონი (Bacourion), (Tam გვ. 152-188) ფრიდ წარჩინებულნი და ცნობილი პირნი იყვნენ. ტერტულიანის აღწერილობითაც ვიცით რომ გამოჩენილი მარკიონი (Marcion) ივერიის ეკლესიას ეკუთვნოდა.

(შემდეგი იქნება).

შალვა Gueifer.

სამღვდლოების კრებების მოლოდინში.\*)

სამწუხაროდ დღემდის არაფერი გაკეთებულა ამ მხრით და დღესაც არავინ ფაქრობს ამის შესახებ. ასი ათას მანათობით გადის ყოველ წლივ მთელი საეგზარხოსოს სანთლის ქარხნებიდან, ეკლესიებიდან და მონასტრებიდან სხვადასხვა სასწავლებელთა დასახმარებლად, ბლანკების საყიდლად, უხმარ გაზეთების გამოსაწერად და სხვა, და ერთი კაპეიციც არ იხარჯება ენის და შინაარსის მხრით ხელმისაწვდომ, საინტერესო გაზეთებზე, ზნეობრივ-სარწმუნოებრივ წიგნებ-წიგნაკებზე, საეკლესიო სამკითხველოს მოწყობაზე, რომ მღვდელი თავის საკუთარ სფეროში მაინც არ ჩამორჩეს თავისვე სამრევლოს.

უნდა გამოვტყდეთ და საქვეყნოთ აღვიაროთ, რომ არც ერთი ყოფილი ექსარხოსი, არც ერთი თავისუფალი თუ ქორეპისკოპოსი საკმაო ყურადღებით არ მოჰკიდებია სამღვდლოების გონებრივ განვითარების საქმეს, და ეს მხარე ჩვენი თავმოკრილი ეკლესიისა ყოველთვის მიუტევებელ დავიწყებაში იყო მიცემული. ხოლო რაიცა შეეხება სამწყსოს სულიერ მდგომარეობას, მისგან მართლმადიდებელ სარწმუნოების შეგნებულად შეთვისებას, ამაზე ზრუნვა ფიქრადაც არავის მოსვლია. საჭიროა ახლა მაინც მივაქციოთ ყურადღება ამ საქმეს და შესაფერი ზომები მივიღოთ, რომელთა შორის უპირველესი საეკლესიო წიგნსაცავ-სამკითხველო იქნება, საიდგანაც ისარგებლებს, როგორც მღვდელი ისე მრევლიც.

მართალია ასეთი წიგნსაცავსამკითხველოები რუსეთშიაც იშვიათი მოვლენაა, მაგრამ ნუ დავივიწყებთ, რომ მაგიერათ იქ არსებობს მდიდარი სასულიერო ლიტერატურა, იქ გამოდის სპეციალი ჟურნალ-გაზეთი, რომლითაც ფართოთ შეუძლია ისარგებლოს ყველას. ვინც კი მოისურვებს, რადგან ყველა ჟურნალ-გაზეთი და წიგნები სამშობლო ენაზე გამოდის და საშვალეცა ხელთა აქვთ მათ შესაძენათ. ჩვენში კი წინააღმდეგ არც შესაფერი გამოცემები გვაბადია და რომ კიდევ გვექონდეს, საშვალე-



ბაკ არა გვაქვს მათ შესაძენათ. მეტი სიმკი-  
სე რაღა უნდა იყოს, რომ კატეხიზმაც არ მო-  
გვეპოება მდებრი ენაზე დაწერილი, რომ ხალხ-  
ში სახელმძღვანელოდ იხმარებოდეს. ოდესღაც  
უთარგმნიათ მიტრ. ფილარეტის კატეხიზმო და  
დღეს მისი ენა იმდენად დაცილებულია თანა-  
მედროვე ლიტერატურულ ენას, და მით უფ-  
რო ხალხურს, რომ მისი ხმარება ხალხში თუ  
სასწავლებელში შეუძლებელია. მით უფრო  
მიუწოთმელია იგი დღევანდელი მღვდლებისა-  
თვის, რომელთაგან ზოგმა სულ არაფერი ქარ-  
თული ენა არ იცის არც ძველი და არც თა-  
ნამედროვე და ზოგის ცოდნა ამ საგანში არ  
აღმატება უბრალო ხალხის შვილის ცოდნას.  
ღმერთმა უშველოს არხიმანდრიტ პიროსს,  
რომელმაც ამ ბოლო დროს თავის სახელმძ-  
ღვანელო მოგვაწოდა კატეხიზმოსი, თორემ  
თვალი არ გავგვხილებოდა სირცხვილით. სა-  
კვირველია, რომ ასეთ შემთხვევაში ზოგიერ-  
თი ებისკოპოზიც ხელშეშლელი გამოდის  
ნაცვლად დახმარებისა და გამხნეებისა. ყოვლად-  
სამღვდელო გიორგიმ, მაგალითად, ზედაც  
არ შეხედა ჩვენ ნათარგმნ კატეხიზმოს, რომლის  
გამოცემასაც ვლამობდით, ისე კანტორაში გაგვა-  
გზავნა გამოცემის თანხმობის მოსაპოვებლად.  
მიუტყვებელ შეცოდებათ უნდა ჩაეთვალოს  
ჩვენ სამღვდელოებს, განსაკუთრებით აკადე-  
მიელებს და სემინარიელებს, რომ ჩვენ ქართულ  
ლიტერატურას ხაკლია დღეს სასულიერო  
ლიტერატურა, რომ მსურველი ერთ ხეირიან  
წიგნს, ერთ ხეირიან წიგნაკს ვერ იპოვნის  
ჩვენში, რომ თავის სულიერი მოთხოვნილება  
დაიკმაყოფილოს, რომ ერთ წამს გაერთოს  
რელიგიურ საკითხებში. და ეს გარემოება  
ძალიან მძიმე უღლათ აწევს განსაკუთრებით  
მოზარდ თაობას, რომელსაც არაერთარა საკი-  
თხავი სასულიერო გამოცემა არ მოეპოვება  
გარდა „ზაკონოვისა“ და ისიც რუსულ ენაზე,  
ამ ბოლო დრომდ მიანც.

სამრევლო შკოლების ბიბლიოთეკებში  
ხომ საესეა რუსული სასულიერო გამოცემებით,  
რომლებითაც ვერაჲინ სარგებლობს; და ჩვენ

ნებადართულია სამხედრო ცენზ.

ვერ მოგვიხერხებია, რომ ქართულ წერაკით-  
ხვას შეჩვეულმა ბავშვმა თავისუფლად იმოგ-  
ნოს სასულიერო შინაარსის საკითხავი წიგნი.  
ამიტომ გასაკვირვალა არ არის, რომ შესაფერ-  
კეთილ საზრდოს მოკლებული ბავშვი ისეთ  
გამოცემებს დაეწაფოს, რომელნიც რყვიან  
მას სულიერათ და ხორციელად. და აი ერთი  
მიზეზიც, რომლის გამო ქართველი საზოგა-  
დოება თანდისთან რელიგიურ ინტელექტუალს  
და ნიკოლიზმს ეძლევა.

(შემდეგი იქნები)

მღვდელი ს. მკვლიძე.

**კვირიდან-კვირამდე.**

დაქრილთა დახმარება. ომში დაქრილთა  
და დაშვებულთა დახმარე სათათბიროს წევრ-  
თა კომიტეტმა 1914 წლის 26 ივლისიდან  
1915 წლის 20 ოქტომბრამდ მიიღო შეწირუ-  
ლება ფულით 929,976 მანეთი, კომიტეტმა  
მიიღო აგრეთვე სესხის სახით 80 ათასი მანე-  
თი. ამ ხნის განმავლობაში დაიხარჯა 914,638  
მანეთი. ამ ეამად კასაშია 45,337 მანეთი. სა-  
ში საეტაპო ლაზარეთისა და ექსი გოშპიტლის  
შენახვა და აგრეთვე საავტომობილო რაში და  
სხვა კომიტეტს თვიურათ უჯდება 75 ათასი მან-  
ეთი. კომიტეტი მოუწოდებს ხალხს ჯარის  
სახარგებლოდ გაიღონ ფული. კომიტეტის მო-  
წოდებას ხელს აწერს სათათბიროს თავჯდომე-  
რე რომიანკო და მისი ახანაგები: შინგარევი  
დმიტრიუკოვი და ვოლკონსკი.

ერთი თვის შეწყვეტის შემდეგ სამხედრო  
ტყვეების გაცვლა-გამოცვლა რუსეთ-გერმანიის  
და ავსტრიის შორის ისევ განახლდა. მოვიდა  
დასახარებულთა პირველი პარტია. მოსულებს  
დედოფლის მარიამის სახელზე დაურიგეს ფუ-  
ლი. (პ. დ. ს.)

კიდევ დაქრილთა შესახებ. განსაკუთრე-  
ბულმა თათბირმა განიხილა შუამდგომლობა  
დაქრილ და ავადმყოფ მებრძოლების სასარგ-  
ბლოდ ფულის გადადების შესახებ. ამ მიზნი  
ქალაქების კავშირის განკარგულებაში 4,474,800  
მანეთი. ქალაქის კავშირის კავასიის კომიტეტ  
განკარგულებაში 8,220,000 მანეთი. (პ. დ. ს.)

რედაქტორი მღვ. ს. მკვლიძე.  
გამომცემელი ი. ლევაია.

სტამბა „მშობა“ ქარვასლის ქ. სახლი ჩარეკოვისა.